

OKVIRNI SPORAZUM

SUKCESIVNA NABAVKA USLUGA ZAKUPA REPETITORSKIH OBJEKATA, USLUGA ODRŽAVANJA I ADMINISTRIRANJA SISTEMA ZA MJERENJE BRZINE, KONTROLE I POŠTIVANJA SVJETLOSNE SIGNALIZACIJE I ANALIZU I PRAĆENJE SAOBRAĆAJA ZA POTREBE UPRAVE POLICIJE MINISTARSTVA UNUTRAŠNJIH POSLOVA KANTONA SARAJEVO (LOT 1 i LOT 2)

Strane u okvirnom sporazumu:

- 1. MINISTARSTVO UNUTRAŠNJIH POSLOVA KANTONA SARAJEVO – UPRAVA POLICIJE, La Benevolencija br. 16, kojeg zastupa policijski komesar generalni inspektor policije Nusret Selimović, (u daljem tekstu: Ugovorni organ)**
- 2. Mibo komunikacije d.o.o. Sarajevo, Tvornička 3, ID broj: 4200470540005 kojeg zastupa direktor Marko Boštjančič, (u daljem tekstu: Dobavljač)**

Član 1.

Strane u okvirnom sporazumu saglasno konstatuju:

- da je Ugovorni organ u skladu sa Zakonom o javnim nabavkama (“Službeni glasnik BiH” broj: 39/14) proveo ograničeni postupak za nabavku usluga zakupa repetitorskih objekata, usluga održavanja i administriranja sistema za mjerenje brzine, kontrole i poštivanja svjetlosne signalizacije i analizu i praćenje saobraćaja za potrebe Uprave policije Ministarstva unutrašnjih poslova Kantona Sarajevo (LOT 1 i LOT 2), sa ciljem zaključivanja okvirnog sporazuma sa jednim ponuđačem na period od 24 mjeseca;
- Okvirni sporazum ne predstavlja obavezu Ugovornog organa na zaključivanje ugovora o javnoj nabavci;
- Obaveza nastaje zaključivanjem pojedinačnih ugovora o javnoj nabavci, na osnovu ovog okvirnog sporazuma, u zavisnosti od potreba Ugovornog organa, a pod uslovima utvrđenim u ponudi ponuđača broj PON – 59A/21 za LOT 1 i broj PON – 59B/21 za LOT 2.

Član 2.

Predmet okvirnog sporazuma je utvrđivanje uslova za zaključivanje pojedinačnih ugovora o javnoj nabavci usluga administriranja i održavanja sistema za mjerenje brzine, kontrole poštivanja svjetlosne signalizacije i analizu i praćenje saobraćaja (LOT 1) i usluge održavanja opreme za bežični prijenos signala sa instaliranih uređaja (LOT 2) za potrebe Uprave policije Ministarstva unutrašnjih poslova Kantona Sarajevo u skladu sa uslovima iz tenderske dokumentacije, ponudom Dobavljača, odredbama ovog okvirnog sporazuma i stvarnim potrebama Ugovornog organa.

Količine navedene u specifikaciji su okvirne i vrijede za vrijeme važenja okvirnog sporazuma.

Član 3.

Vrijednost Okvirnog sporazuma bez PDV-a iznosi:

- LOT 1 – 230.400,00 (dvijestotinetridesethiljadačetiristotine i 00/100)
- LOT 2 – 115.200,00 (jednastotinapetnaesthiljadadvijestotine i 00/100)

Ukupna vrijednost ovog okvirnog sporazuma bez PDV-a iznosi 345.600,00 (tristotinečetredsetpethiljadašeststotina i 00/100) KM.

Cijene su fiksne i ne mogu se mijenjati za vrijeme važenja ovog okvirnog sporazuma.

Pojedinačni ugovori unutar Okvirnog sporazuma mogu se zaključivati samo do iznosa ukupne vrijednosti Okvirnog sporazuma, dakle okvirni sporazum prestaje sa važenjem utroškom cjelokupne vrijednosti Sporazuma i ne može premašiti ugovorenu vrijednost na koju je Okvirni sporazum sklopljen.

Ukoliko Ugovorni organ potroši svoja naprijed navedena sredstva za realizaciju predmetne nabavke i prije isteka roka na koji je sklopljen Okvirni sporazum, isti će se smatrati automatski raskinutim sa danom posljednje izvršene isporuke, odnosno plaćanja fakture za isto.

Član 4.

Nakon zaključivanja okvirnog sporazuma, ugovorne strane će zaključiti pojedinačne ugovore o javnoj nabavci.

Pri zaključivanju pojedinačnog ugovora, ne mogu se mijenjati bitni uslovi iz ovog okvirnog sporazuma.

Usluge iz člana 2. ovog okvirnog sporazuma će se izvršavati sukcesivno, u skladu sa potrebama Ugovornog organa.

Član 5.

Opšte obaveze Dobavljača su:

- da ugovorenu uslugu izvrši u svemu prema tehničkoj specifikaciji, propisima, standardima i normama kvaliteta koji važe za vrstu usluga koje su predmet nabavke, te ponudi broj PON – 59A/21 za LOT 1 i broj PON – 59B/21 za LOT 2, koja čini sastavni dio ovog okvirnog sporazuma;
- da obezbjedi dežurnu kontakt osobu koja će primati dojave o kvarovima;
- da u slučaju kvara radara obezbjedi zamjenski radar, sistemsku jedinicu za analizu i praćenje saobraćaja i uređaj za prenos podataka, koji će u što kraćem roku biti postavljen na lice mjesta umjesto pokvarenog;
- da osigura stalnu sigurnosnu liniju (vpn tunnel) za daljinski pristup radarima, sistemsku jedinicu za analizu i praćenje saobraćaja i softverskim aplikacijama u svrhu daljinskog servisa uz prethodno obavještenje i saglasnost Odjeljenja za videonadzor Ugovornog organa;
- da obezbjedi stalnu servisnu podršku putem dežurnog broja/osigurati stalno dežurstvo 24 sata dnevno, 365 dana u godini (24/7/365) za prijavu kvara. Dežurni broj je dužan dostaviti Odjeljenju za videonadzor, Ugovornog organa u roku od 10 dana od dana potpisivanja pojedinačnog ugovora;
- da će u roku od max 4 sata (LOT 1) odnosno 8 sati (LOT 2) od prijema obavijesti o kvaru od strane Ugovornog organa, izaći na teren i pristupiti otklanjanju kvara, te da će svaki kvar otkloniti u najkraćem mogućem roku, kako bi se osigurala kontinuirana funkcionalnost sistema;
- da će osigurati što hitniji popravak u slučaju kvarova radara, sistemskih jedinica za analizu i praćenje saobraćaja, prenosa podataka i softverskih aplikacija;
- da će na kraju mjeseca sačiniti izvještaj o svim izvršenim intervencijama i redovnim mjesečnim obilascima svih lokacija u toku prethodnog mjeseca te ga dostaviti Odjeljenju za videonadzor, Sektora uniformisane policije na odobrenje.

Član 6.

Obaveze Dobavljača koje se odnose na radare su:

- da će osigurati da se u svakom trenutku koristi isključivo propisno kalibriran sistem i sve njegove komponente odobrene za upotrebu u BiH;

- da obezbjedi redovni mjesečni obilazak svih lokacija na kojima su postavljena kućišta radi provjere funkcionalnosti sistema (kućišta i induktivnih petlji), uz prethodno obavještanje Odjeljenja za videonadzor;
- da obezbjedi redovni mjesečni obilazak svih lokacija na kojima su trenutno postavljeni radari radi pregleda i testiranja funkcionalnosti radara radi verifikacije tačnosti mjerenja i funkcionalnosti svih parametara za dalju upotrebu (radari, kućišta i induktivne petlje), uz prethodno obavještanje Odjeljenja za videonadzor;
- da obezbjedi redovni mjesečni obilazak svih lokacija na kojima su trenutno postavljeni sistemi za analizu i praćenje saobraćaja radi pregleda i testiranja funkcionalnosti svih parametara za dalju upotrebu, uz prethodno obavještanje Odjeljenja za videonadzor;
- da izvrši provjeru i pregled svih verifikacionih markica/žigova na licu mjesta prilikom redovnih obilazaka, te u slučaju da su isti oštećeni informiranje Odjeljenja za videonadzor da se sistem ne smije koristiti za zvanična mjerenja;
- da promjeni ograničenja brzine na stacionarnim radarskim sistemima po obavještenju odgovornog lica (kada dođe do promjene ograničenja brzine);
 - da izvrši prebacivanje radara sa jedne lokacije na drugu po pozivu odgovornog lica, maksimalno dva puta mjesečno ili prilikom redovnog obilaska svakog radara, odnosno u izuzetnim situacijama i češće ukoliko se ukaže objektivna potreba, te kalibracija radara na novoj lokaciji odnosno obavljanje svih mjerenja na novoj lokaciji radi validacije tačnosti rezultata na novoj lokaciji kako induktivnih petlji, tako i radara (ukoliko je certifikat i dalje važeći, za lokaciju na koju se prebacuje radar ne izdaje se novi);
 - da izvrši podešavanje mjerenja suprotnog pravca saobraćaja po pozivu odgovornog lica odnosno tzv. okretanje smjera mjerenja induktivnih petlji, te kalibracija radara na novoj lokaciji odnosno obavljanje svih mjerenja na novoj lokaciji radi validacije tačnosti rezultata na novoj lokaciji kako induktivnih petlji, tako i radara (ukoliko je certifikat i dalje važeći za lokaciju na koju se prebacuje radar ne izdaje se novi).

Član 7.

Obaveze Dobavljača koje se odnose na sistemsku jedinicu za analizu i praćenje saobraćaja:

- da u slučaju kvara obezbjediti zamjenski uređaj u roku od 24 sata;
- da obezbjedi održavanje neometanog rada uređaja (dijagnostika i praćenje razmjene podataka između uređaja i virtuelnog servera);
- da vrše redovan nadzor stanja firmware-a i update firmware-a uređaja;
- da vrši rekonfiguraciju uređaja prema potrebama Ugovornog organa (prema opravdanim zahtjevima Ugovornog organa – izmjena zakonske regulative i sl.);
- da u slučaju kvara tablet uređaja obezbjedi zamjenski uređaj u roku od 24 sata;
- da vrše pregled i provjeru podešenosti svih parametara rada radara i sistemskih jedinica za analizu i praćenje saobraćaja na lokacijama na kojima su isti postavljeni, minimalno jednom sedmično;
- da izvrše usluge servisiranja i otklanjanja kvarova vezanih za radare, sistemske jedinice za analizu i praćenje saobraćaja i prenos podataka u najkraćem mogućem roku;
- da osiguraju rezervne dijelove za nesmetan rad sistema, koji će biti uvijek dostupni kod Dobavljača na stanju;
- da ima stalni kontakt sa odgovornom osobom Ugovornog organa prilikom intervencija na terenu;
- da će omogućiti Odjeljenju za videonadzor, Sektora uniformisane policije, kontrolu i dijagnostiku sistema u kancelarijama Odjeljenja za videonadzor, odnosno praćenje parametara rada sistema, kako bi se na efikasan način mogao nadzirati rad sistema.

Član 8.

Obaveze Dobavljača koje se odnose na hardveru i SPARTA softverske aplikacije:

- da vrši redovni mjesečni obilazak lokacija Uprave policije Ministarstva unutrašnjih poslova Kantona Sarajevo radi pregleda i kompletne provjere funkcionalnosti hardverskih i softverskih aplikacija uz prisustvo uposlenika Odjeljenja za videonadzor;
- da vrši redovan pregled sistema koji uključuje nadzor funkcionalnih cjelina SPARTA sistema (SPARTA virtuelni server, SPARTA Radar Manager, SPARTA Active, SPARTA Mobile) uz prisustvo uposlenika Odjeljenja za videonadzor;
- da održavaju neometan rad virtuelnog servera 24/7 (dijagnostika i praćenje procesa na virtuelnom serveru);
- da prati stanje resursa na virtuelnom serveru;
- da vrši otklanjanje grešaka u okviru postojećih funkcionalnosti aplikacije (SPARTA Radar Manager);
- da izvrši prilagodbu dokumenata za print (izmjena sadržaja dokumenta);
- da vrši održavanje servisnih komponenti (otklanjanje prepreka u radu servisa);
- da vrši redovan update postojeće aplikacije (podrazumjeva redovnu prilagodbu aplikacije novim standardima razvoja softvera);
- da vrši otklanjanje grešaka u okviru postojećih funkcionalnosti aplikacije (SPARTA Active)
- da vrši održavanje servisnih komponenti (otklanjanje prepreka u radu servisa);
- da vrši redovan update postojeće aplikacije (podrazumjeva redovnu prilagodbu aplikacije novim standardima razvoja softvera, te na osnovu novih prijedloga za unapređenje od strane korisnika);
- da vrši otklanjanje grešaka u okviru postojeće funkcionalnosti aplikacije (SPARTA Mobile);
- da vrše održavanje neometanog rada aplikacije (otklanjanje prepreka u radu servisnih komponenti za komunikaciju sa tablet uređajima);
- da vrši redovan update postojeće aplikacije (podrazumjeva redovnu prilagodbu aplikacije novim standardima razvoja softvera);
- da vrši definicije oznaka traka na lokacijama.

Član 9.

Obaveze Dobavljača koje se odnose na LOT 2:

- da obezbijedi kontinuirano napajanje električnom energijom opreme i to putem postojeće elektroenergetske mreže ili rezervnim napajanjem putem akumulatorske baterije;
- da održava funkcionalnost komunikacijskog dijela sistema;
- da vrši pregled stanja i operativnosti opreme;
- da vrši pregled i verifikaciju konfiguracija opreme;
- da obezbijedi u svom magacinu rezervne količine kablova, konektora i antena neophodnih za predmetno održavanje;
- da izvrši uslugu popravke uređaja na osnovu prijave kvara (nisu uključeni rezervni dijelovi);
- da se odazovu na prijavu kvara u dogovorenom roku;
- da će u roku od max 8 sati (LOT 2) od prijema obavijesti o kvaru od strane Ugovornog organa, izaći na teren i pristupiti otklanjanju kvara, te da će svaki kvar otkloniti u najkraćem mogućem roku kako bi se osigurala kontinuirana funkcionalnost sistema;
- dužan je napraviti analizu stanja opreme i sačiniti izvještaj.

Član 10.

Dobavljač je dužan da Ugovornom organu, za izvršene usluge tokom jednog kalendarskog mjeseca, ispostavi račun. Uz račun je dužan priložiti izvještaj iz člana 5. ovog okvirnog

sporazuma. Izvještaj će potpisati ovlašteno lice ispred dobavljača i ovlašteno lice ispred ugovornog organa (Odjeljenja za videonadzor, Sektora uniformisane policije).

Ugovorni organ će ugovorenu cijenu plaćati Dobavljaču u roku od 30 dana od dana urednog izvršenja usluge i dostavljanja mjesečne fakture sa potpisanim izvještajem, na tekući račun Dobavljača.

Član 11.

Sporazumne strane prihvataju da svi podaci, informacije i dokumentacija do koje imaju pristup, za vrijeme trajanja ovog okvirnog sporazuma, kao i nakon prestanka njegovog važenja, u skladu sa zakonom, predstavljaju poslovnu tajnu, te se obavezuju da sa povjerljivim informacijama koje se odnose na ovaj okvirni sporazum ili poslovanje Sporazumnih strana, odgovorno postupaju i da iste dalje neće dijeliti trećim stranama ili neovlaštenim osobama, bez prethodne pismene saglasnosti druge sporazumne strane.

Član 12.

Ugovorni organ se obavezuje:

- da će imenovati i osigurati odgovornu/ovlaštenu kontakt osobu ili osobe (tehnička lica) ili odjel/sektor koji će komunicirati sa administratorom ponuđača po svim pitanjima vezanim za poslove održavanja i administriranja, te za potpisivanje izvještaja iz člana 5. ovog okvirnog sporazuma u roku od 10 dana od dana obostranog potpisivanja prvog pojedinačnog ugovora;
- da će prijaviti kvarove na radarskim sistemima, sistemskim jedinicama za analizu i praćenje saobraćaja i prenosu podataka, te hardverskim i softverskim aplikacijama na lokacijama Uprave policije, a uz pomoć kontrole i dijagnostike koja je omogućena uposlenicima Odjeljenja za videonadzor u njihovim prostorijama, a koju je obavezan ponuđač osigurati;
- da će osigurati stalnu sigurnu liniju (tunel) za daljinski pristup radarima, sistemskim jedinicama za analizu i praćenje saobraćaja i softverskim aplikacijama;
- da će osigurati sistem od neovlaštenog i nestručnog rukovanja;
- da će u slučaju potrebe, osigurati privremeno zaustavljanje saobraćaja, te osoblje za sigurnost na terenu (saobraćajna patrola);
- da će osigurati neometan pristup svim lokacijama na kojima su postavljene sve sistemske jedinice i infrastruktura, a uz prisustvo ili obavještenje Odjeljenja za videonadzor;
- da će vršiti provjeru stanja radara i sistemskih jedinica za analizu i praćenje saobraćaja (prijenos podataka), a uz pomoć kontrole i dijagnostike koja je omogućena uposlenicima Odjeljenja za videonadzor u njihovim prostorijama, a koju je obavezan ponuđač osigurati;
- da će vršiti provjeru postojećih funkcionalnosti rada aplikacija za obradu i prijenos slika;
- da će upravljati uređajima i korisnicima;
- da će obezbijediti potreban prostor za redovan backup podataka;
- da će održavati radne stanice i printere;
- da će pružati podršku korisnicima za softverske aplikacije, radne stanice i buduće mobilne uređaje u saradnji sa administratorom Dobavljača.

Član 13.

Dobavljač se obavezuje da ugovorenu uslugu izvrši u svemu prema tehničkoj dokumentaciji, propisima, standardima i normama kvaliteta koji važe za vrstu usluga koje su predmet nabavke.

Član 14.

Ukoliko poslije zaključenja ovog okvirnog sporazuma nastupe okolnosti više sile koje dovedu do ometanja ili onemogućavanja izvršenja obaveza definisanih Okvirnim sporazumom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i utjecaja strana u okvirnom sporazumu i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa uvoza i izvoza) i sl.

Strana u okvirnom sporazumu pogođena višom silom odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 15.

Dobavljač se obavezuje da će usluge pružati u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršene usluge.

Ugovorni organ je dužan dostaviti pismeno obavještenje o svakom propustu Dobavljača.

Ugovorni organ će utvrditi razuman rok za ispravak propusta Dobavljača u smislu izvršene usluge.

Član 16.

Ugovorni organ zadržava pravo raskida okvirnog sporazuma ukoliko izvršena usluga u smislu kvaliteta i svih drugih elemenata ne bude u potpunosti odgovarala uslovima iz prihvaćene ponude Dobavljača.

Član 17.

U slučaju kašnjenja u izvršavanju usluga do kojeg je došlo krivicom Dobavljača, isti će platiti ugovornu kaznu u skladu sa Zakonom o obligacionim odnosima u iznosu od 1% vrijednosti naručene usluge, za svaki dan kašnjenja do urednog ispunjenja, s tim da ukupan iznos ugovorne kazne ne može preći 10% od ukupno ugovorene vrijednosti koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile.

Član 18.

Ovaj okvirni sporazum se zaključuje na period od 24 mjeseca, a stupa na snagu danom obostranog potpisivanja.

Član 19.

Dobavljač nema pravo zapošljavati, u svrhu izvršenja Okvirnog sporazuma i unutar njega zaključenih pojedinačnih ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija ugovornog organa za javne nabavke, najmanje 6 (šest) mjeseci po zaključenju ovoga okvirnog sporazuma, odnosno od početka realizacije Okvirnog sporazuma.

Član 20.

Na ostala prava i obaveze ugovornih strana, koja nisu regulisana ovim okvirnim sporazumom, primjenjivat će se odredbe Zakona o obligacionim odnosima.

Član 21.

Sporazumne strane mogu raskinuti ovaj okvirni sporazum i prije njegove realizacije, ukoliko se jedna strana ne bude pridržavala njegovih odredbi, uz prethodno izmirenje svih obaveza utvrđenih po ovom sporazumu. Otkazni rok je 15 (petnaest) dana, a po isteku ovog roka

Okvirni sporazum se smatra raskinutim. O otkazu sporazumne strane se obavještavaju pismenim putem.

Ukoliko Dobavljač odbije potpisati pojedinačni ugovor po osnovu ovog okvirnog sporazuma, ovaj okvirni sporazum se smatra automatski raskinutim.


Član 22.

Eventualno nastale sporove pri realizaciji ovog okvirnog sporazuma, strane u Okvirnom sporazumu će rješavati sporazumno, a ukoliko to nije moguće, utvrđuje se nadležnost Suda u Sarajevu.

Član 23.

Ovaj okvirni sporazum izrađen je u četiri (4) istovjetna primjerka, od kojih po dva (2) zadržava svaka strana.

DOBAVLJAČ
Mibo komunikacije d.o.o.



Direktor
Marko Boštjančić

UGOVORNI ORGAN
MUP KANTONA SARAJEVO
UPRAVA POLICIJE

POLICIJSKI KOMESAR
Generalni inspektor policije
Nusret Selimović

Broj: 02-044/21
Datum: 09.06.2021.

Broj: 02-11-4-5433-10/20
Datum: 24.05.2021. godine

